

# FÉLAG ÍSLENSKRA LEIKARA

og

**fjármálaráðherra f.h. ríkissjóðs**

**gera með sér svofelldan**

## **K J A R A S A M N I N G**

**um kaup og kjör  
LEIKMYNDA- OG BÚNINGAHÖFUNDA  
við Þjóðleikhúsið**

### **1. RÁÐNING**

---

#### **1.1 Ráðning**

1.1.1 Leikmynda-/búningahöfundur skal ráðinn með skriflegum ráðningarsamningi. Í ráðningarsamningi skal m.a. koma fram fyrirhugaður skiladagur líkans og vinnuteikninga, æfingatímabil leikrits og frumsýningardagur.

1.1.2 Samið skal sérstaklega um launagreiðslur fyrir hvert leikrit með tilliti til þeirrar ábyrgðar og vinnu sem leikmynda-/búningahöfundur tekur að sér. Mat verkefnis annast þjóðleikhússtjóri og leikmynda- og búningahöfundur að höfðu samráði við leikstjóra. Greiðslur í samningi þessum eiga aðeins við um heilskvöldssýningar. Fyrir verkefni sem felur í sér stuttan vinnslutíma og/eða lítið umfang, er heimilt að semja um lægra endurgjald en ella.

1.1.3 Leikmynda-/búningahöfundur skal fá afhent leikrit það sem hann er ráðinn til, eigi síðar en 3 mánuðum fyrir áætlaðan skiladag líkans og teikninga.

1.1.4 Leikmynda-/búningahöfundur skal eiga þess kost, að velja sér hæfan aðstoðarmann í viðameiri verkefni í samráði við leikhúsið enda hafi verið gert ráð fyrir því í upphafi eða önnur rök mæla sérstaklega með því.

#### **1.2 Verksvið, ábyrgð og skyldur leikmynda-/búningahöfundar**

1.2.1 Verksvið leikmynda-/búningahöfundar er:

1. Að vinna ásamt leikstjóra hina mótandi hugmyndavinnu sýningar.
2. Að leggja fram vinnuteikningar, búningateikningar og fullnægjandi líkan.

3. Að hafa umsjón og eftirlit með allri útfærsluvinnu við gerð leikmynda og búninga.
  4. Að sitja leik-, ljósa- og búningaæfingar eins og þörf krefur svo og fundi sem tengjast verkefninu.
- 1.2.2 Þjóðleikhúsið greiðir allan útlagðan kostnað, svo sem vegna vinnslu líkans, vinnu- og búningateikninga og kostnaðar vegna aksturs enda séu lagðir fram reikningar því til staðfestingar.
  - 1.2.3 Leikmynda-/búningahöfundur er óheimilt að stofna til fjárhagslegra skuldbindinga varðandi verkefni sitt án samþykkis þjóðleikhússtjóra.

### **1.3 Höfundarréttur og önnur réttindi leikmynda-/búningahöfundar**

- 1.3.1 Leikmynda-/búningahöfundur á höfundarrétt á verki sínu skv. almennum reglum um hugverkarétt og hefur Þjóðleikhúsið aðeins rétt til að sýna verk hans á leiksviðum þess og í kynningum svo og í leikferðum á þess vegum enda hafi verið haft fullt samráð við leikmynda-/búningahöfund með hvaða hætti það sé.
- 1.3.2 Þjóðleikhúsinu er óheimilt að lána eða leigja út verk leikmynda- og búningahöfundar í heild sinni að sýningum loknum nema með samþykki hans enda skal áður samið um endurgjald til hans.
- 1.3.3 Þjóðleikhúsið ábyrgist að verki leikmynda-/búningahöfundar verði ekki breytt eða því raskað frá því sem var við frumsýningu án samráðs við hann.
- 1.3.4 Líkan og teikningar eru eign leikmynda-/búningahöfundar og skal leikhúsið skila þeim þegar verkefni er tekið af sýningarskrá.
- 1.3.5 Þar sem aðstandenda viðkomandi sýningar er getið í kynningu eða auglýsingum Þjóðleikhússins, skal nafn leikmynda-/búningahöfundar koma fram, nema hann samþykki annað.
- 1.3.6 Þjóðleikhúsið skal láta leikmynda-/búningahöfundur í té góðar ljósmyndir af leikmyndum og búningum án endurgjalds. Hann skal auk þess eiga aðgang að myndbandsupptöku af leikmyndum, sé um slíkt að ræða.

### **1.4 Breytingar og eftirlit**

- 1.4.1 Sé um að ræða breytingu á verkefni eða vinnslu verkefnis, svo sem verulega frestun á frumsýningu, þ.e. um 3 vikur eða meira, skal greiða sérstaklega við lokauppgjör fyrir þá aukningu á vinnuframlagi sem slíkt kann að skapa.
- 1.4.2 Taki nýir leikarar við hlutverkum eftir frumsýningu, skal hafa samráð við búningahöfund. Semja skal sérstaklega um greiðslu til hans ef þörf er á að hanna nýja búninga.

- 1.4.3 Fyrir vinnu við breytingar á leikmynd og búningum vegna leikferða, sem ekki hefur verið gert ráð fyrir í upphafi, eða flutnings á sýningu milli leiksviða, skal semja sérstaklega við leikmynda-/búningahöfund.
- 1.4.4 Ef verk er tekið aftur til sýningar eftir nokkurt hlé og slíkt kallar á vinnu af hálfu leikmynda-/búningahöfundar, skal semja sérstaklega um greiðslu.
- 1.4.5 Leikmynda-/búningahöfundur ber einnig að fylgjast með sýningum á leikritinu án þess þó að honum sé skylt að vera viðstaddur hverja sýningu.

## **2. LAUNAGREIÐSLUR**

---

### **2.1 Mánaðarlaun og launaþrep**

- 2.1.1 Mánaðarlaun leikmynda-/búningahöfundar skulu greidd samkvæmt neðangreindri launatöflu:

1. þrep	kr. 276.148
2. þrep	kr. 286.219
3. þrep	kr. 296.694
4. þrep	kr. 307.588
5. þrep	kr. 318.917
6. þrep	kr. 330.700
7. þrep	kr. 342.954

- 2.1.2 Launataflan skiptist í 7 launaþrep sem miðast við faglega reynslu:

1. þrep	byrjunarlaun
2. þrep	eftir 4 uppsetningar
3. þrep	eftir 7 uppsetningar
4. þrep	eftir 12 uppsetningar
5. þrep	eftir 18 uppsetningar
6. þrep	eftir 24 uppsetningar
7. þrep	eftir 30 uppsetningar

- 2.1.3 Með faglegri reynslu er átt við tilgreindan fjölda verkefna við atvinnuleikhús, í sjónvarpi eða kvikmyndum. Leikmynda-/búningahöfundur skal leggja fram fullnægjandi gögn til staðfestingar starfsreynslu sinni.

- 2.1.4 Hækkun launa á samningstímanum. Mánaðarlaun skv. 2.1.1 skulu taka eftirtöldum breytingum á samningstímanum:

1. mars 2013 3,25%

1.ágúst 2014: Eingreiðsla 50.000 kr. miðað við þá sem eru í fullu starfi tímabilið janúar til júlí 2014. Þeir sem eru í hlutastarfi og/eða hafa starfað skemur skulu fá hlutfallslega greiðslu.

## **2.2 Mánaðafjöldi og tímakaup**

2.2.1 Laun leikmynda-/búningahöfundar fyrir meðalverkefni skulu nema 5 mánaðarlaunum skv. gr. 2.1.1.

2.2.2 Fyrir útfærsluvinnu greiðist tímakaup í hinu umsamda launaprepi.

## **2.3 Dagvinnutímakaup**

2.3.1 Dagvinnutímakaup skal reiknað sem 0,615% af mánaðarlaunum viðkomandi starfsmanns.

## **2.4 Yfirvinnukaup**

2.4.1 Yfirvinnukaup skal reiknað sem 1,0385% af mánaðarlaunum viðkomandi starfsmanns.

## **2.5 Stórhátíðarkaup**

2.5.1 Stórhátíðarkaup skal reiknað sem 1,375% af mánaðarlaunum viðkomandi starfsmanns.

## **2.6 Álag fyrir sérlega vandasama sýningu**

2.6.1 Fyrir sérlega vandasama sýningu, s.s. söngleiki, óperur o.þ.h., skal greiða 25% álag á laun skv. gr. 2.2.1.

## **2.7 Tveir eða fleiri leikmynda-/búningahöfundar við sama verkefni**

2.7.1 Ef tveir eða fleiri leikmynda-/búningahöfundar eru ráðnir að sama verkefni, skal samið sérstaklega um greiðslur til þeirra þó þannig að greiðslur til beggja nemi ekki lægri fjárhæð en skv. 2.2.1 að viðbættum 50%. Auk þess getur bæst við hækkun á greiðslu skv. 2.6.1 eftir því sem við á.

## **2.8 Greiðsla fyrir sýningar**

2.8.1 Greitt skal fyrir sýningar 1,9% af mánaðarlaunum leikmynda-/búningahöfundar fyrir hverja sýningu umfram 8.

2.8.2 Greiðsla fyrir sýningar skv. 2.8.1 skal skiptast á milli aðila í sömu hlutföllum og tímaviðmiðun ráðningar, sbr. 2.7.1.

## **2.9 Gjalddagi launa**

2.9.1 Laun greiðast mánaðarlega eftir á, frá ráðningardegi eða skv. samkomulagi.

## **2.10 Veikindi, andlát eða hætt við verkefni**

2.10.1 Verði leikmynda-/búningahöfundur veikur eða hann andast eftir að æfingar eru hafnar, á hann eða dánarbú hans rétt á að halda þeim launum sem fallin eru í gjalddaga. Veikist leikmynda-/búningahöfundur hins vegar eða hann andast svo nálægt frumsýningu að unnt sé að ljúka æfingum og frumsýna

leikritið eftir hugmyndum hans, skal hann eða dánarbú hans eiga rétt á fullum launum.

- 2.10.2 Verði hætt við verkefni, án þess að leikmynda-/búningahöfundur eigi þar sök á, ber ráðningaraðilum að semja sérstaklega um launagreiðslur.

### **3. ORLOFSFÉ**

---

#### **3.1 Orlofsfé**

- 3.1.1 Greiða skal orlofsfé á öll laun skv. samningi þessum. Orlofsfé er 10,17% á laun þeirra sem eru yngri en 30 ára, 11,59% á laun þeirra sem eru 30 - 37 ára og 13,04% á laun þeirra sem eru 38 ára eða eldri.

### **4. LÍFEYRISSJÓÐUR OG FÉLAGSGJALD**

---

#### **4.1 Lífeyrissjóður**

- 4.1.1 Launagreiðandi greiðir 8% framlag af heildarlaunum leikmynda-/búningahöfundar skv. samningi þessum í Söfnunarsjóð lífeyrisréttinda eða annan lífeyrissjóð, sem leikmynda-/búningahöfundur á aðild að, á móti 4% iðgjaldi hans.

#### **4.2 Félagsgjald**

- 4.2.1 Launagreiðandi innheimtir félagsgjald af heildarlaunum félagsmanna skv. samningi þessum og stendur skil á því mánaðarlega til Félags íslenskra leikara.

### **5. ATVINNUREKENDAGJÖLD**

---

#### **5.1 Sjúkrasjóðsgjald**

- 5.1.1 Launagreiðandi skal greiða mánaðarlega 1% af heildarlaunum félagsmanna skv. samningi þessum í Styrktar- og sjúkrasjóð Félags íslenskra leikara.

#### **5.2 Orlofssjóðsgjald**

- 5.2.1 Launagreiðandi skal greiða mánaðarlega 0,25% af heildarlaunum félagsmanna skv. samningi þessum í orlofssjóð Félags íslenskra leikara.

### **6. SLYSATRYGGING**

---

#### **6.1 Slysathrygging**

- 6.1.1 Ríkissjóður ábyrgist að leikmynda-/búningahöfundur sé tryggður vegna slysa sem hann kann að verða fyrir við störf sín fyrir Þjóðleikhúsið, þ.á.m. vegna eigin gáleysis á æfingum að undanskildum slysum sem rekja má til neyslu vímugjafa. Um bótafjárhæðir og skilmála fer skv. ákvæðum í

samningi fjármálaráðherra f.h. ríkissjóðs og Starfsgreinasambands Íslands á hverjum tíma.

## **7. FORGANGSRÉTTUR TIL STARFA**

---

### **7.1 Forgangsréttur til starfa**

7.1.1 Aðilar eru sammála um að stéttarfélagsbundnir leikmynda-/búningahöfundar sitji fyrir verkefnum að öðru jöfnu.

## **8. GILDISTÍMI**

---

### **8.1 Gildistími og staðfesting samningsins**

8.1.1 Samningur þessi gildir frá 1. mars 2012 – 31. ágúst 2014 en fellur þá úr gildi án sérstakrar uppsagnar.

8.1.2 Verði gerðar breytingar á samningstíma á grundvelli forsenduákvæðis í kjarasamningum SA og ASÍ, dags. 5. maí 2011, skal það sama gilda um samning þennan. Leiði viðbrögð á grundvelli þess forsenduákvæðis til breytinga á samningsákvæðum ofangreindra samninga skulu fulltrúar samningsaðila komast að samkomulagi um útfærslu þeirra hvað varðar þennan samning.

8.1.3 Samningsaðilar skulu bera samning þennan upp til samþykktar. Hafi gagnaðila ekki borist tilkynning um niðurstöðu fyrir klukkan 16:00 þann 19. mars 2012 skoðast hann samþykktur.

Reykjavík, 12. mars 2012

F.h. samninganefndar ríkisins  
með fyrirvara um samþykki  
fjármálaráðherra

*Ásta Lára Leósdóttir (sign.)*  
*Pétur Jónasson (sign.)*  
*Björn Rögnvaldsson (sign.)*

F.h. Félags íslenskra leikara  
með fyrirvara um samþykki deildar  
leikmynda- og búningahöfunda

*Ilmur M. Stefánsdóttir (sign.)*  
*Randver Þorláksson (sign.)*  
*Helga I. Stefánsdóttir*  
*Snorri Freyr Hilmarsson (sign.)*

F.h. Þjóðleikhúss

*Ari Matthíasson (sign.)*